

**De tunica quadam oculi novissime detecta et quibusdam tumoribus  
scirrhis resolutis / [Balthasar Abraham Stier].**

**Contributors**

Stier, Balthasar Abraham.  
Büchner, Andreas Elias, 1701-1769.  
Universität Halle-Wittenberg.

**Publication/Creation**

Halae Magdeburg : Ex Officina Hendeliana, [1759]

**Persistent URL**

<https://wellcomecollection.org/works/w9ccxe2j>

**License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>

St. B

T 880.9

DE  
TVNICA QVADAM OCVLI  
NOVISSIME DETECTA  
ET QVIBVSDAM  
TVMORIBVS SCIRRHOSIS RESOLVTIS



AVSPICIIS SVMMI NVMINIS

ET

GRATIOSAE FACVLTATIS MEDICAE CONSENSV  
P R A E S I D E

PRO-RECTORE FRIDERICIANAE MAGNIFICO

D. ANDREA ELIA BÜCHNERO

SACRI ROMANI IMPERII NOBILI,  
POTENTISSIMI PRVSSIAE REGIS A CONSILIIS INTIMIS,  
MEDICINAE ET PHILOSOPHIAE NATVRALIS PROFESS. PVBL. ORDINARIO,  
IMPERIALIS ACADEMIAE NATVRAE CVRIOSORVM PRAESIDE,  
ET COMITE PALATINO CAESAREO,

*PRO GRADV DOCTORIS*

AD D. III. IVLII, A. S. R. 1809.

IN ALMA REGIA FRIDERICIANA

PVBLICE DISPVTABIT

AVCTOR

BALTHASAR ABRAHAM STIER

GVRAVIA - SILESIVS.



HALAE MAGDEBVRG. EX OFFICINA HENDELIANA.



K. u. k. Militär-ärztliche Bibliothek

Standort	Zimmer	Katalog	Abth.	
	Kasten		Gruppe	
	L. Nr.		Nr.	



VIRO ILLVSTRI,  
EXCELLENTISSIMO, EXPERIENTISSIMO  
**CAROL. FRID. KALTSCHMIEDIO**

PHILOSOPHIAE ET MEDICINAE DOCTORI,

SERENISSIMAE DOMVS SAXO-VINARIENSIS ET ISENACENSIS  
CONSILIAR. CAMERAL. INTIMO, SERENISSIMI MARCHIONIS  
BRANDENB. CVLMBAC. ET SERENISS. LANDGR. HASSO-DARM-  
STAD. CONSIL. AVLICO ET MEDICO, ANATOM. CHIRVRG. ET  
BOTAN. IN CELEBERRIMA IENENSI ACADEMIA PROF. PVBL.  
ORDIN. COMITI PALAT. CAESAR. ACADEMIARVM, LEOPOLDI-  
NO-CAROLINAE NAT. CVRIOS. COLLEGAE, CAESAR. AVGV-  
STAN. CONSILIARIO, ET ELECTOR. MOGVNT. SCIENT. VTIL.  
ASSESSORI, FACVLTATIS MEDIC. H. T. DECANO ET SENIORI  
SPECTABILI, SOCIET. ELEGANT. ET SVBLIM. SCIENT. TEV-  
TON. IENENS. INSPECTORI, ITEMQVE PHYSICO PRO-  
VINCIALI IENENSI CELEBERRIMO,

NEC NON

**V I R O**

EXCELLENTISSIMO, EXPERIENTISSIMO,  
CLARISSIMO,

**IOANNI FRIDERICO FASELIO**

PHILOSOPHIAE ET MEDICINAE DOCTORI,  
ET IN CELEBERRIMA IENENSI ACADEMIA MEDICINAE  
PROFESSORI ORDINARIO,

**V I R I S,**

DOCTRINAE ATQVE ERVDITIONIS AFFLVENTIA  
MERITORVMQVE  
IN REM MEDICAM ET OMNEM REMPVBLCAM  
LITERARIAM LONGE SPECTATISSIMIS,



PATRONIS SVIS OPTIMIS,  
PRAECEPTORIBVS

OMNI PIETATE AD CINERES VSQVE COLENDIS, PROSEQVENDIS,

DISSERTATIONEM HANC INAVGVRALEM

IN MONVMENTVM

ANIMI DEVOTISSIMI,

AC PRO TOT INSIGNIBVS IN SE COLLATIS

BENEFICIIS GRATISSIMI,

CVM VOTIS

PRO PERENNI EORVNDEN SALVTE ARDENTISSIMIS

D. D. D.

SPLENDIDISSIMORVM AC SVMME DEVENERANDORVM

HORVM NOMINVM

OBSERVANTISSIMVS CVLTOR

BALTHASAR ABRAHAM STIER.






DISSERTATIO INAUGVRALIS ANATOMICO-CHIRVRGICA

SISTENS PARTIM

TVNICAM QVANDAM OCVLI  
NOVISSIME DETECTAM,

PARTIM

TVMORES SCIRRHOSOS VARIOS RESOLVTOS.



PROOEMIUM.

Microcosmi structuram artificiosissimam examinare, atque ex eadem actiones singularium machinae huius partium explicare, sat ardua sane res est. Sistas mihi, beneuole Lector, Anatomicum ab omni parte absolutum, & sane illum virium humanarum imbecillitatem in examinanda corporis humani structura statim profiteri audies. Vbi sunt Physiologorum hodie celeberrimi, quaeuis in corpore humano phaenomena occurrentia explicaturi? Quod cum ita se ha-

A 3


beat,



beat, & ego tantis Viris longe inferior sim, liceat mihi pace tua, beneuole Lector, tam propriam meam imbecillitatem, quam etiam angustum nimis temporis spatium iam accusare, quae impedimento fuere, quo minus in praesenti vnicum modo thema, vti alias fieri solet, debite explanatum omnibusque numeris absolutum exhibere potuerim. Inde factum est, vt apud me constituerim duo eligere themata diuersa, alio quodam opportuniori tempore fusius atque solide magis elaboranda. Quum enim, ad oculi humani structuram anatomicè examinandam, pariter ac tumorum quorundam scirrhorum resolutionem tentandam, occasio quondam mihi sese offerebat, non incongruum mihi videbatur, haecce aliquando pro Dissertatione inaugurali eligere themata, quae etiam paulo prolixius exarassem, sin modo experimenta, pro vltèrius indagandis hisce summe necessaria, iam suppeterent. Interim tamen confido, beneuolum lectorem mihi, exactiorem talem peruestigationem atque dilucidationem certissime promittenti, aequum iudicium non esse denegaturum. Faxit modo diuina clementia, vt omnia cedant feliciter.

SECTIO





## SECTIO I.

DE

TVNICA QVADAM OCVLI NOVIS-  
SIME DETECTA.

## §. I.



rganon visus summi creatoris sapien-  
tiam luculenter satis testari, & nobi-  
lissimum pariter ac artificiosissimum  
organorum sensoriorum, vna cum  
organo auditus, constituere, quis est,  
qui neget? Quum vero artificiosissimam organi hu-  
ius structuram Anatomia subtilior doceat, hincque  
eadem, ob vsum, quem praestat, eximium, summo  
iure defendenda sit, non dubito fore, quin beneuo-  
le permittant Viri in scientia anatomica pariter ac  
medica hodie illustres, nouam quandam oculi tu-  
nicam in lucem proferre, deque eiusdem natura  
pro viribus, quas tamen sentio admodum esse exi-  
guas, differere. Fretus itaque Virorum, in arte  
generi humano summe salutari celeberrimorum,  
indulgentia, diuinaque suffultus clementia, missis  
ambagibus, rem pertractandam eo maiori animi ala-  
critate aggredior.

## §. II.

Variae sunt partes, oculi humani machinam  
constituentes, quas vero, vnicuique Anatomicorum  
satis cognitae, hic recensere animus non est. Omis-  
sis ergo omittendis, tunicas modo sic dictas oculi  
humani recensere, iisdemque nouam nostram tuni-  
cam



8 *Dissertatio inauguralis anatomico-chirurgica,*

cam adiicere placet. Numerum tunicarum oculi respicientibus abunde iam constat, nouem earum ab Anatomicis magni nominis adsumtas fuisse, quarum prima, externa, globum oculi cum orbita coniungens, *adnata* seu *coniunctiua*, altera, priori proxime adiacens, maximamque bulbi oculi partem constituens, *sclerotica*, tertia, seu pars anterior scleroticæ pellucida, *cornea*, siue *sclerotica transparens*, quarta, interior, *choroidea*, quinta, seu pars anterior choroideæ, *uvea*, sexta, seu superficies vel lamella interna choroideæ, *Ruyfchiana*, septima *retina*, octaua, humorem vitreum includens, *tunica vitrea*, & nona denique, humorem crystallinum inuoluens, *tunica crystallina* adpellata fuit.

§. III.

Sunt tamen quidam Anatomicorum hodie celeberrimorum, quibus octo tantum oculi tunicas statuere placuit, tunicam illam vasculosam, seu *Ruyfchianam*, ab inuentore ita dictam, reiicientes. In censum hic venit vir in arte anatomica summe exercitatus, ALBINVS, Anatomicorum facile princeps, qui hanc solummodo ob rationem tunicae Ruyfchianæ existentiam negat, quoniam ea non nisi summo studio ac attentione a choroidea separari posset. Permittat autem Vir magni nominis exempli in locum allegare tunicas illas diuersas ventriculi & intestinorum. Has non nisi summa diligentia a se inuicem separari posse, quis est, qui ignorat? Nihilominus tamen omnes hodie Anatomici vno ore consentiunt, easdem vere existere, earundemque existentiam



stantiam in theatris anatomicis distincte satis demonstrant, ex quarum praesentia atque structura varia dein variam ventriculi & intestinorum actionem explicandam esse, Physiologi docent. Si itaque verum esset prius, tunicam eam, quae ab alia non nisi adhibita magna attentione separari potest, pro tunica singulari habendam non esse, verum etiam erit posterius, ventriculum scilicet atque intestina nullis singularibus & respectu structurae a se inuicem distinctis gaudere tunicis, insimulque exinde sequeretur, nec ventriculo, nec intestinis eas adsignari posse facultates, quae tamen a nemine Physiologorum partibus hisce, ob diuersam suam membranaceam structuram, denegantur.

§. IV.

Nemo vero in subtilioris anatomiae exercitio debite versatus facile negabit, idem in separandis ventriculi atque intestinorum tunicis adplicandum esse studium, quod adhibere debet Anatomicus, tunicae Ruyfchianae a choroidea separationem intendens. Adeoque etiam eodem iure tunica Ruyfchiana pro singulari quadam tunica habenda erit, uti tunicae ventriculi & intestinorum ceu tunicae peculiare considerantur. Quibus perperis ita argumentari liceat: Omne illud, cui character tunicae constans attribui potest, vera est tunica: atqui tunica Ruyfchiana character tunicae constanti gaudet: ergo tunicae nomine omnino insigniri debet.

§. V.

Iam vero tunica nostra nouissime detecta eodem



dem donata est caractere, quo alia quaevis similis tunica insignita est: sistit enim expansionem membranaceam; adeoque summo etiam iure in classe tunicarum considerata venit, & idcirco in numerum tunicarum recipiendam eam esse, existimo. Vbi enim fibrae, sint illae vel carneae, vel tendineae, vel nerueae, ita inter se inuicem iunguntur & explicantur, ut expansio inde oriatur membranacea variae figurae, ibi tunica adest. Posita itaque definitione tunicae, ulterius examinanda se sistit tunica mea.

## §. VI.

Tunicam Ruyschianam superficiei tunicae choroideae internae adhaerere, machinae humanae examinadoribus cognitum satis est atque perspectum. Vti vero tunica haecce Ruyschiana tunicae choroideae laminam internam constituit, sic nostra tunica laminam choroideae externam praebet, ita, ut choroidea sit intermedia inter tunicam Ruyschianam & nostram tunicam. Occasionem autem, novam hancce tunicam inveniendi, mihi praebuit examen anatomicum oculi equini, massa ceracea repleti. Quum enim exactiore partium eiusdem, & speciatim tunicae choroideae, separatione & praeparatione occuparer, en! in conspectum veniebat inuolucrum quoddam membranaceum, tunicam choroideam circumdans. Huius ergo inuolucri membranacei, ex fusco paululum nigricantis, separationem quum tentarem, praeter omnem spem negotium ex voto succedebat, ita, ut notabilem satis portionem huius tunicae, absque vlla tam ipsius tunicae



tunicae dilaceratione, quam etiam choroideae proxime subiacentis, vel vasculorum sanguiferorum in choroidea contentorum & disseminatorum, laesione, separare & conseruare a fortuna mihi datum fuerit. Examinaui post haec oculum vitulinum, massa ceracea repletum, & ecce! idem oculo meo se ostendit phaenomenon, nimirum tunica mea, quoad maximam partem a tunica choroidea separanda, in eo quoque occurrebat. Quamuis autem haec ita se haberent in oculis brutorum, nullo tamen modo a structura hacce oculorum animalium brutorum ad structuram similem oculi machinae humanae concludere certissime potui, donec experientia anatomica de vera huius tunicae, in oculo quoque humano, existentia me erudiebat. Hoc equidem negare nolo, tunicam meam in oculo humano non tanto praeditam esse tono naturali, quanto in oculis animalium brutorum gaudet; interim tamen est & erit perpetuo tunica oculi peculiaris, eodem iure, uti in oculis brutorum.

§. VII.

Ad corroborandum vero hoc meum assertum, multum omnino facit, quod non vnicum modo, sed plures machinae humanae oculos examinare mihi obtigerit. In omnibus vero, ne vno quidem excepto, luculenter satis in conspectum veniebat tunica mea, ad hodiernum vsque diem incognita: quapropter de vera eiusdem existentia non est, ut ulterius dubitemus. Satis ergo abunde exinde patet, quantum a scopo illi aberrant, qui Zootomiam nullam plane opem, in cognoscenda & indaganda cor-



poris humani structura anatomica, vnquam ferre posse contendunt. Hoc quidem omnino certum est, varias in brutorum oeconomia animali partes longe aliter constructas atque fabricatas esse, ac in machina humana: exinde vero nondum sequitur, falsas ingenio humano induci ideas, si modo Zootomiam tanquam Anatomiam comparatiuam considerare placeret. Quis enim vnquam motum illum intestinorum peristalticum ad oculos clare satis demonstrare posset, nisi hoc in animalibus brutis susciperetur? Quis perpetui illius mobilis, cordis nimirum machinae, actionem atque motum rite intelligeret, nisi experimenta in viuus animalibus brutis suscepta eundem nobis demonstrassent: vt reliqua ex anatomia brutorum in nostram scientiam redundantia & sane haud vili pendenda commoda nunc praetermittam.

## §. VIII.

Ast videamus iam, num & vsus aliqualis ex inuento nostro expectandus sit, nec ne? quod vt debite fiat, necesse omnino est, vt in tunicae huius naturam inquiramus. Peruestigationem hancce institui semper coelo sereno, tam oculo nudo, quam optime armato, vbi semper, quantum quidem ego animaduvertere potui, eandem tunica haecce habuit faciem, quam tunica villosa habet. Eodem enim gaudet colore similique fere consistentia, iisdemque villis seu inaequalitatibus, vti ventriculi atque intestinorum tunica villosa. Accedit insuper, quod innumera fere corpuscula, glandulis miliaribus minimis similia, in eadem conspicienda se se offerant: quam



quam ob rem, pace Anatomicorum seculi nostri illustriſſimorum, eandem *tunicam villoſo-glanduloſam* adpellare liceat.

§. IX.

Iam vero, ex ſententia Phyſiologorum noſtri aeni celeberrimorum, tunicae villoſae officium in eo conſiſtit, vt organon percolatorium chyli conſtituat. Et hoc in noſtra quoque tunica ita fieri debebat, vt vaſcula ſanguifera innumerabilia ſubtiliſſimaque, tunicam choroideam perreptantia, perpetuo nutrirentur & corroborarentur muco illo lubrico atque blando, quem vaſcula lymphatica tunicae meae perpetuo, roris inſtar ſubtiliſſimi, plorant, quo eo faciliſſimo negotio ſecretio humoris aquei, ex ſanguine arterioſo tunicae choroideae, in tunica uvea, ceu organo ſecretorio huius liquoris, ſuccedere poſſit. Aſt, ſi qui ſint, qui forte glandulas tunicae noſtrae miliares reiicient, quum corpus glandulae ſimillimum non ſemper ſit glandula, ſalua tamen manet aſſertio noſtra, tunicam hancce tanquam tunicam villoſam, adeoque vt talem tunicam, quae ſecretioni perficiendae apta eſt, conſiderandam ſemper eſſe, ex ratione iam adducta.

§. X.

Ratio vero Creatoris, cur tunicam iſtam oculorum villoſam non pari modo, vt obſeruamus in tunica villoſa ventriculi & inteſtinorum, internam choroideae tunicam ſeu lamellam eſſe voluerit, fortasſe in eo conſiſtit, vt partim, vt iam diximus, nutritio vaſculorum ſanguiferorum tunicae choroideae eius



ope perficeretur, partim etiam quia non necesse erat, ut irroraretur tam tunicae choroideae lamina interna seu Ruyschiana, quam tunica retina, dum harum quaelibet proprio suo liquore blando lymphatico ac nervo praedita est. Alia insuper summi Creatoris, respectu situs huius tunicae, ratio fortasse haec est, ut defenderetur insimul tunica choroidea, innumerabilibus vasculis subtilissimis sanguiferis praedita, a nimia compressione, sicque vasorum horum laesio & inflammatio auerteretur. Quod si enim tunica choroidea immediatum cum sclerotica nexum haberet, facili sane negotio fieri posset, ut vascula illa subtilissima arteriosa choroideae, praesertim si a causa quadam vel externa, vel interna leuiori paululum intumescere inciperent, a sclerotica proxime adiacente, ceu tunica dura, non admodum elastica, ultra modum comprimerentur, & consequenter, ob statum inde ortum inflammatorium, tono suo naturali destituerentur. Hoc ergo ne fiat, tunica nostra mollioris consistentiae, & humore blando lymphatico semper humida, intercedit & prohibet.

## §. XI.

Tunicam nostram prorsus alius esse naturae, ac proxime subiacens choroidea est, etiam exinde luculenter satis patet, quod, oculo massa ceracea repleto, in tunica hacce prorsus nulla vasa sanguifera repleta in conspectum veniunt, unde suspicari licet, vascula, per tunicam hanc dispersa, non ad classem vasorum sanguiferorum referenda esse, sed potius vascula sic dicta lymphatica subtilissima constituere.

Negan-



Negandum quidem non est, fieri interdum casu aliquo fortuito, vel ob statum quendam vasorum praeternaturalem, ut massa ceracea in vascula etiam lymphatica penetret. Hoc vero nunquam a fortuna mihi datum fuit, sed quaedam tantum vascula sanguifera in tunica ista, & quidem oculo optime armato, detegere mihi licuit, quamuis non semel, sed multoties in arte vasa replendi occupatus fuerim; quapropter veritati magis respondet, quod vascula, in tunica nostra occurrentia, non nisi lymphatica sint vascula.

§. XII.

Haec sunt, quae de tunica oculorum nouissime detecta proferre atque exponere placuit. Ut autem machinae humanae scrutatoribus plenius satisfaciam, opportuniori in posterum tempore tunicam hancce figuris aeneis delineatam exhibiturum me esse, sanctissime promitto. Dabit fortasse postera dies adhuc quaedam inuento huic adicienda, tam ratione structurae, quam ratione vsus tunicae iam commemoratae. Pro vltiori autem confirmatione existentiae huius tunicae, testem oculatum publice excitare mihi licebit Virum excellentissimum & experientissimum, Dn. D. FASELIVM, Medicinae in celeberrima, quae Ienae floret, Academia Professorem ordinarium famigeratissimum, Anatomicumque exercitatissimum, Patronum ac Praeceptorem omni honoris cultu ad cineres vsque deueniendum, praeter alios complures eruditos Viros, pluresque ex commilitonibus meis, quos silentio iam praetereo.



## S E C T I O II.

DE

TUMORIBVS QVIBVSDAM SCIRRHOSIS  
PERFECTE RESOLVTIS.

## §. I.



Scirrhum nil aliud esse, quam tumorem durum, perfecte indolentem, nunc maius, nunc minus spatium in partibus corporis humani solidis, praesertim glandulis, occupantem, omnes Chirurgorum nostris temporibus celeberrimorum vno quasi ore affirmant. Distinguunt tamen inter scirrhum, qui adhuc in fieri est, & scirrhum iam radicatum. In priori casu tumor quidem adest cum duritie coniunctus, attamen non omni sensatione, quamvis interdum vix percipiatur, expers, talesque tumores scirrhusi ut plurimum sanabiles & resolubiles adhuc sunt. In altero vero casu tumor notatur durus, omni elasticitate fibrarum, omnique sensatione penitus destitutus, qui plerumque nullam prorsus admittit medelam, siue illa per medicamenta externa, siue per interna suscipiatur, excepta illa, quae ope manuum & instrumentorum chirurgicorum instituitur, extirpando scilicet plenarie totum scirrhusum concrementum.

## §. II.

Docet experientia, dari morbos quosdam, tam internos, quam externos partium machinae humanae, qui mox in principio augentur ita, vt, nisi  
omnis



omnis adhibeatur industria, atque iudicium practicum probe subactum, maximum metuendum sit periculum, machinaeque humanae destructio: alios iterum, qui lente festinant, & non nisi successiue vel simplicem tantum partis cuiusdam actionem, vel omnes plane in oeconomia animali actiones perficiendas turbant aut plane tollunt. Ad alteram hanc classẽ pertinent tumores scirrhi, qui successiue tantum corpus humanum afficiunt, nuncque sexta, nunc septima, vel etiam octaua demum septimana, aut etiam ultra hunc terminum, in scirrhum stricte dictum degenerare solent, vti Chirurgorum principes annotarunt, vnde etiam in scirrho curando vel remouendo ad tempus durationis respiciendum omnino esse, sponte sequitur.

§. III.

Quod itaque talem tumorem scirrhusum concernit, qui iamiam sex vel septem vel etiam octo menses substitit, negare equidem haud volo, tumoris eiusmodi resolutionem admodum difficilem esse: interim tamen tentandum adhuc erit, antequam ad exstirpationem progrediamur, num forte adhibita legitima attentione debitaque prudentia resolutio obtineri queat. Dici sane vix potest, quam rebelles sint eiusmodi tumores scirrhi, ita vt, nisi ad periodum criticam sub ipsa eorundem curatione probe attendamus, omnem plane medelam respuant, quamuis interdum accidere soleat, vt sponte, naturae beneficio, in tenera aequae ac iuuenili aetate, rarissime tamen in adultioribus, eiusmodi scirrh



discutiantur. Critica vero periodus in scirrho res-  
solubili forte adhuc resoluendo ea mihi est, ubi,  
omnibus administrandis debite iam iam administra-  
tis, in corpore scirrhi ea apparent signa, ex quibus  
ad resolutionem futuram concludere possumus.  
Sunt autem eiusmodi signa partim tumoris, sub ex-  
terno tactu, apparens conditio mollior, partim et-  
iam ipsius peripheriae augmentum insimul in con-  
spectum veniens. Hoc enim toties, quoties scir-  
rhos resolvere annis sum, observaui, intumescen-  
tiam talem scirrhosam, exhibitis idoneis & conue-  
nientibus remediis, successiue molliorem quidem  
factam fuisse, ast simul etiam nunc in longitudine,  
nunc in latitudine auctam fuisse. Et meo quidem  
pariter ac aliorum virorum, in scientia chirurgica  
celeberrimorum, iudicio, vix alia eligenda erit in  
scirrho resoluendo methodus, quam nunc exponen-  
da. Si enim scirrhi nondum inueterati resolutio-  
nem intendimus & molimur, praecedere omnino  
debet vasculorum, corpus scirrhi constituentium,  
iamque induratorum, emollitio, ad actionem vaso-  
rum obstructorum deprauatam restituendam, cir-  
culumque fluidi, in vasis ipsis plus minus impedi-  
tum, resuscitandum, alias frustraneus sane erit  
omnis labor. Quum vero de scirrho nondum in-  
ueterato sermo nobis fuerit, necesse omnino vide-  
tur, declarare, quidnam sit scirrhus inueteratus?  
Nil aliud mihi est scirrhus inueteratus, quam tu-  
mor non solum indolens, sed & perfecte induratus.  
Adeoque distinguendum haud immerito erit inter  
tumorem indolentem ex parte saltem durum, & in-  
ter



ter tumorem, tam indolentem, quam etiam perfecte induratum. Non enim omnis tumor indolens perfecte durus deprehenditur, adeoque & scirrhus plane irresolubilis in sensu strictiori adpellari nequit.

§. IV.

Obstructionis illius, ex qua enascitur eiusmodi tumor scirrhosus, causas varias & multiplices hic vberius exponere & recensere, breuitati studens, nolo, esset quoque labor iam iam sufficienter exantlatus, quum singulas easdem Pathologia exhibeat. Nec opus esse videtur, tam prolixum exhibere medicamentorum, quae ad scopum hunc obtinendum aliquid conferre valent, catalogum, iis certe, qui in rebus practicis versantur, fatis superque notum. Sufficiat, antequam speciales notatuque dignos quosdam casus aegrotorum, tali modo affectorum, debite expositos tradam, vel tribus saltem verbis meminisse, me in scirrhis resolubilibus discutiendis, cum euphoria subiectorum, eiusmodi rebelli morbo laborantium, talia in auxilium vocasse medicamina, quae classi saponaceorum in materia medica adnumerantur. Sunt enim saponacea talia medicamenta, quae ob particulas suas constitutiuas, scilicet salino-oleosas intime mixtas, singulari prorsus viscidos atque tenaces humores incidendi virtute gaudent, modo circumspicte, iusto tempore, iustaque in dosi afflicti exhibeantur, vnde etiam in resoluen-  
do viscido primarum viarum aliorumque viscerum egregias exserunt virtutes. Imo tantae insunt medicamentis saponaceis vires, vt immortalis ille & in



morbis grauiſſimis maxime rebellibus curatuque difficiliſſimis optime verſatus BOERHAAVIUS pro certo ſtatueret, non dari ſcirrhoſitatem tam viſcerum, quam etiam aliarum partium, quae adhibitis caute ſaponaceis, tam internis, quam externis, ſi modo vires vitales adhuc ſuperſtites ſint, debite tandem reſolui & tolli non poſſet.

## §. V.

Ex ordine autem eiſmodi ſaponaceorum & reſoluentium optime inprimis pro hoc ſcopo conducunt *herbae* Abrotan. Abſynth. Aneth. Beccabung. Beton. Card. bened. Cent. min. Cichor. hortenſ. Cochlear. Fumar. Foenicul. Heder. terreſtr. Hyſſop. Leuiſtic. Maioran. Meliſſ. Matricar. Naſturt. aquat. Piperit. Roriſmar. Rut. Sabin. Tarax. Salu. Saponar. Scord. Saturei. Serpill. Thym. Tanacet. Trifol. fibrin. Vrtic. & Veronicae; *flores* Arnicae Bohem. Centaur. min. Chamaemel. rom. & vulg. Croci. Lilior. conuall. Lupul. Melilot. Spic. Stoechad. arabic. Tanacet. Salu. & Lauendulae; *radices* Acori veri, Angelic. Ariſtol. rot. Carlin. Caryophyllat. Cyper. rot. Enul. Pimpin. alb. Pyrethri, Leuiſt. Taraxaci, Valerian. Vincetox. Squill. & Peucedani, de qua vltima in tranſitu quaſi notamus, quod haec radix paulo accuratiori examine chemico-pharmaceutico haud indigna ſit, ob virtutes ſpecificas quasdam in eadem fortaſſe contentas. Ex claſſe *ſeminum* optimae inprimis notae mihi eſſe videntur ſemina Apii, Aneth. Cumin. Dauc. Eryſim. Paſtinac. & bacc. Lauri. *Lignis* hic in vſum ſpeciatiſſime vocandis adnumero



mero Lign. Guaiac. Sassafr. & Iuniperinum, eorundemque cortices, quibus addere adhuc lubet *cortices* Aurant. & Citri. Eximie etiam hic conducunt *Gummata resinosa* varia, e. g. ammoniacum, in aceto squillitico solutum & inspissatum, Galbanum, Mastiche, Myrrha, Succinum, & Terebinth. cocta. Ex tanto simplicium numero ea semper selegi, quae ad hunc vel illum obtinendum scopum optime conuenire mihi videbantur, & ita quidem, vt modo decoctum, modo essentiam siue tincturam concentratam, mediante spiritu vini rectificatissimo, modo etiam elixirium, ex herbarum & radicum extractis, ope aquarum destillatarum, itemque vini gallici, hispanici, aut maluatici, addito sale alcalino, parauerim. In usum etiam trahere placuit spiritus abstractitios, aquas destillatas, sales volatiles, pilulas, olea stillantia, elaeosacchara, cereuicias medicatas, vina medicata, balnea, cataplasmata aliaque ex his, pro symptomatum tunc praesentium diuersitate, concinnata, quibus adieci nitrum, tartarum tartarifatum, sal Absynthii, Card. bened. aliaque huius commatis, non neglectis emulsionibus, & Tinctura antimonii saponacea. Vno verbo omnia ea, quae sub nomine humectantium, resoluentium, abstergentium atque euacuantium veniunt, salutarem ad talia remouenda mala produxisse effectum obseruaui.

§. VI.

Missis his, ad historicam ex proposito meo redire cogor tractationem. Diximus iam supra, tumores scirrhisos sex, septem vel octo mensium, difficillime iterum resolui posse. Hic vero in scenam



producere liceat miseros varios, nunc per breue, nunc etiam longius temporis spatium tumoribus scirrhis olim laborantes, & tamen feliciter iterum curatos. Primus eorum est iuuenis viginti annorum, tumore eiusmodi scirrhuso iam ultra dimidium annum afflictus. Accedebat hic ad me, incurius plane & dubius, an futuris temporibus periculum inde metuendum sit, nec ne. Pars affecta erat glandula inguinalis, ita iam tumefacta, vt gallinaeum magnitudine superaret ouum, iisdemque perfecte insignita characteribus, qui scirrhus solemnes esse solent; quapropter etiam nullam amplius sensationem ingratam atque dolorosam, excepto incommodo, quod magnitudo huius tumoris efficiebat, aeger inde percipiebat. Compluribus hic in usum vocatis remediis, alias praestantissimis, tam internis, quam externis, praemissaque venae sectione, ne minimam tamen tumoris discussionem obseruare potui. Quapropter ad medicamenta alia, saponacea scilicet, ceu ad sacram anchoram, confugiebam, quae per tres septimanas rite adhibita, tam sub usu interno, quam externo, coniunctis simul diluentibus copiosius haustis, interpositisque nitrosis & leniter laxantibus, exoptatissimus excipiebat effectus plenariaque scirrhi discussio.

## §. VII.

Breui post vir quidam triginta annorum, testiculi scirrhisitate laborans, consilium a me petiit. Aeger hicce malo commemorato iam per octo menses afflictus erat, ita vt dimidia testiculi pars,  
&



& praesertim epididymis, prorsus indolens & lapidis fere instar indurata esset. Quoniam vero dimidia testiculi pars sana adhuc esse videbatur, hinc eo maiori cum fiducia medicamenta saponacea, aetati atque temperamento suo accommodata, tam pro usu interno, quam externo ordinavi, ex quorum frequentiori atque continuato usu, coniunctis temperantibus & absorbentibus, massa sanguinea ita repurgata, viscidumque in vasculis obstructis tenaciter haerens ita discussum fuit, ut, tribus praeter propter septimanis elapsis, tonus organi huius laesi perfecte restauratus, fluidorumque circulus ex voto restitutus fuerit.

§. VIII.

In alio viginti sex annorum subiecto glandularum maxillarium talis occurrebat tumor scirrhusus, ut & ipsum integumentum commune, glandulas hasce tegens, scirrhisitate induratum, firmiterque glandulis induratis accretum deprehenderetur. Post frequentioresem autem usum medicamentorum saponaceorum, partim emollientium, partim resolventium, externe in forma cataplasmatum calide impositorum, tumor hicce, quamvis primis diebus intumescere magis inceperit, intra octo dierum spatium magis magisque indies decrescere incipiebat. Exinde ergo luculenter satis patet, medicamenta saponacea, pro vario obtinendo scopo nunc magis, nunc minus volatilia atque resinosa, non solum glandularum, sed & aliarum partium cutanearum atque carnearum scirrhisitates optime emendare & tollere, si modo cuiuslibet subiecti temperamento  
atque



atque vitae generi accommodentur, tam ratione modi exhibendi, quam respectu formae & methodi praeparandi.

## §. IX.

Vir quidam, duo supra tringinta annorum, in regione inguinali per tredecim iamiam septimanas omnium ferme glandularum inguinalium patiebatur intumescenciam scirrhosam, quacum, ob virus venereum in corpore copiose praesens, coniuncta erant vlcera mali moris, totam glandem omnemque superficiem praeputii internam occupantia, foetidumque ichorosum odorem spargentia. Superueniebant ani condylomata, glandularum colli pariter ac uvulae intumescencia, vlcera faucium atque tonsillarum, scabiesque venerea, per totam abdominis atque lumborum praesertim regionem, itemque circa articulationes cubiti cum humero, tibiaeque cum femore, atque in suris, foetidissimo spectaculo sese diffundens. Sub his ergo circumstantiis methodus medendi omnino eligenda erat talis, qua cito aequae ac tuto sanitas recuperari posset. Remedia mercurialia praesertim egregiae admodum virtutis esse in morbis talibus pertinacissimis debellandis, scholae Medicorum hodie celeberrimorum adhuc docent. Vbi vero viscera qualicunque labe iam adfecta sunt, accedente insuper nimia obesitate, ibi cane & angue peius eadem euitanda esse, omnes Medicorum prudentiorum suadent. Talis autem conditionis noster erat aeger, utpote malo hypochondriaco saepissime vexatus: Quapropter talia eligenda erant remedia, quae



quae virtute singulari & secura, humores viscidos & acres incidendi, resoluendi atque corrigendi, gaudent. Sunt vero haec saponacea nunc magis, nunc minus sulphurea, quibuscum coniungere suasi diluentia, modo calide, modo subfrigide, paulo copiosius haurienda. Alimenta vero quod attinet, per totum curationis decursum assumenda, aegro meo abstinentiam ab omnibus carnibus commendavi, earumque in locum victum magis ex vegetabilibus constantem praescripsi, nempe ex radicibus Sisari, Scorzonerae, Petroselini, herbisque Fumariae, Cichorei, Portulacae, Endiviae, Spinachiae, Chaerefolii, Hederae terrestres, Cochleariae, Nasturtii, Valerianellae pratensis, &c. recenter confusis, & partim cum iusculo carniū in massam pul-  
tiformem redactis, & ita loco aliorum olerum assumendis, partim etiam succum plantarum modo dictarum recens expressum, & cum iusculo carniū mediante leni ebullitione commixtum, in certa quadam quantitate quotidie bibendum ordinaui, quibus omnibus subiuncta simul fuit Venaesectio secunda vice repetita, & pediluvia saponacea, tertio semper die repetenda, interposito sexto quolibet die usu salis aperientis Sedlizensis. Hacce ratione intra sex septimanarum spatium bono cum Deo aegrum meum perfecte restitutum vidi.

§. X.

Non minus quoque notatu dignus erat casus sequens: Vir iuuenis, viginti annorum, testiculi in latere dextro tumorem sentiebat horrendae magnitudinis,



tudinis, ita, vt decies maior adparuerit testiculus, quam in statu naturali solet esse, insimulque coniuncta erat gonorrhoea maligna. In angustiis hisce ad Chirurgum quendam confugiebat artis suae non satis peritum, qui vnguentis primo emollientibus per integros quatuordecim dies, postmodum vero frequentiori adplicatione vnguenti mercurialis tumorem compescere intendebat, nescius, quod veneni instar in personis arthritide laborantibus, qualis aeger hicce erat, mercurialia tam interne, quam externe commendata, fugienda semper sint. Tumor ergo indies ex inconuenienti adplicatione talium medicamentorum, per integras tres septimanas continuata, neglectis simul medicamentis internis idoneis, magis magisque indurescere incipiebat, accedentibus doloribus spasmodico-arthriticis vehementissimis & fere intolerabilibus, ita, vt inde quasi in furorem actus quandoque videretur aeger. In auxilium tandem ab illo vocatus in statu hocce tristissimo, statim mercurialia reieci, eorumque in locum substitui antispasmodica, coniunctis diluentibus & demulcentibus saponaceis, & interpositis euacuantibus, praetereaue venaesectionem, si opus esset, tertia vice repetendam, ordinaui. Externe vero cataplasmata emollientia, cum resoluentibus saponaceis coniuncta, calideque semper & in vna serie per integras quadraginta octo horas adplicanda, situmque in lecto planum horizontalem eligendum suasi, quibus ita administratis dolores spasmodici successiue mirum in modum conquiescebant, & tumor, iam lapidis instar indu-



induratus, emolliebatur, imo intra spatium quatuordecim dierum ex voto perfecte resoluebatur. Ad ulcera vero vrethrae mundificanda atque consolidanda, & gonorrhoeam inde natam compescendam, pro iniectione elegi decoctum ligni Sassafras saturatum, & cum quarta parte Essentiae myrrhae tam aquosae, quam spirituosae, itemque Essentiae Succini sine alcali paratae remixtum, illudque omni trihorio calide iniiciendum suasi. Quo facto, observatis ab aegro simul strictissime regulis dieteticis, elapsis tandem quatuor septimanis pristinam ex voto recuperavit sanitatem.

§. XI.

Tandem etiam silentio haud praetereundum est, quantum balnea & vapores calidi, aceti pariter ac spiritus vini rectificatissimi, in obstructionibus partium pertinacissimis reserandis valeant, coniuncto inprimis usu oleorum stillatitiorum balsamicorum. Noti enim mihi sunt varii casus talium aegrotantium, qui circa articulationem tibiae & fibulae cum astragalo, itemque circa articulationes ossium tarfi inter se, tumoribus haud leuibus induratis vexabantur, indeque sine insigni incommodo incedere haud poterant. Accesserunt insuper certis quibusdam temporibus sensationes ingratae in locis affectis, quae tamen incommoda, vna cum tumoribus, ope medicamentorum modo dictorum felicissime sublata fuere.

§. XII.



## §. XII.

Haec sunt praecipua illa, quae inpraesentiarum, angustis nimium temporis limitibus circumscriptus, beneuoli Lectoris diindicationi submittere potui. Affirmare quidem nolo, quod sola illa methodus haecenus exposita hisce morbis repellendis semper sufficere possit. Dantur enim omnino, nec etiam inposterum deerunt casus, exstirpationem partis laesae plenariam efflagitantes, praesertim, si durities maxima atque acrimonia irritans, cancro fores pandens, simul adsit. Interim tamen nullus dubito, quin aequi rerum arbitri mihi asserenti haud sint refragaturi, certis sub conditionibus methodum hancce prolatam &, nisi me omnia fallunt, omnis fere periculi expertem, reliquis esse anteponendam, exoptatissimumque remediis hisce atque conatibus saepius responsurum esse

## F I N E M.

## CORRIGENDA.

Pag. 15. lin. 5. pro *sed* leg. *ut*.

ibid. lin. 7. pro *licuit* leg. *licueris*.

